

# 勺湖志 卷一

## 題詞

北西湖詞奉題勺湖志 淮安曹鍾昌 明甫

淮陽煙景比錢塘 挂眼青山是女牆 南北高城峯勢  
遠水雲片片數西方

書院西鄰太乙宮 西湖書院即太乙宮故址 湖心亭子納南風 長

橋記卧滄波 上安得如虹 比跨虹

官遊不記幾春秋 愛住杭州抵楚州 余以壬子秋司理故鄉甲寅遊

杭一樣六橋分 內外皇經閣 比望湖樓 北水湖內外亦各有六橋望湖樓在西湖之外湖久已就圯矣

奉山勺水艇如瓜 西望湖濱塔影遮 欲比雷峯看夕

照賞心美景 屬荷花 文峯塔亦在勺湖南岸

綠楊幾樹正當門 蘇小春情孰比倫 多少荒墳松柏

下不知何處月香魂 魯通甫先生詩淮南女兒名月香喚來尊前彈履霜係遊勺湖事

西北高樓近釣臺 韓侯更比岳王哀 漁釣直肖精忠

柏欲折雄心百不回

清芬自古有 遶游循吏聲名百世知 為問淮安賢制

府風流 還比白蘇祠 秦公祠

前朝寺觀復餘幾 不見殘僧空數教 若把三城比三

竺 圓明靈隱畧依稀

三竺圓明靈隱畧依稀



昔賢曾著西湖志 明田汝成撰有今代西河善屬辭  
從此江南與江北 山公都作習家池

奉題勺湖志 合川唐言伯仙

先賢祠廟半荒涼 無限波光照夕陽  
桃李舊分佳子弟 山川今煥好文章  
款春有畫餘陳迹 記事連珠憶故鄉  
先生編此志削方客重慶縱使黃塵更清水不教人世問滄桑

奉題勺湖志 巴縣燕翼子才

先生詞賦多蕭瑟 不買歡娛止買憂  
滄海橫流收一旬 小山招隱足千秋  
負于法亮羞謀地 病與相如共

倦游為問夔門風月夜 時同客郭家湖畔孰清幽

勺湖志目

- 總叙 第一卷
- 書院 第二卷至第八卷
- 園林 第九卷
- 祠廟 第十卷至第十二卷
- 廟賢 第十三卷
- 藝文 第十四卷至第十五卷
- 叢記 第十六卷

都十六卷附一卷嗟乎昔時展展今日荆榛我生之初猶存孳孳生機益感勝境彌

湮不述前聞曷論來者集茲羣腋治為一爐記浴下之名園編武陵之舊事既羅掌故益喟盛衰文獻堪徵不改荆楚歲時之俗滄桑屢易聊臚長安陌巷之名綴緝未終款款不置矣舊歷乙卯八月初三日江都毛乃庸編寫訖時寓巴縣客邸

勺湖志卷一

總叙

勺湖一名郭家池一名郭池一名郭家蕩一名郭家湖一名王家湖一名放生池一名女兒湖在江蘇淮安城內西北隅西及北均抵城垣東限萬壽橋一名史壩與城河通

面積占城十一而不足其始無可考邑人阮葵生茶餘客話謂唐時地即極盛趙嘏詩所謂城礙十洲三

島路寺臨千頃夕陽川者彷彿指此然無確證宋時始見著錄稱王家池徐積有詩見藝文門元為菱田龍興寺僧

郭法亮乞諸其條以贖二親池中故有墩法亮親殉即廢其地故池與墩又均蒙郭家之名明季淮安推

官袁彭年字德年公安人進士崇禎中任四面築隄嚴捕魚之禁由是號為放生池久之禁弛隄亦圯順治中漕督蔡士

英見祠廟門條復修隄造牆崇今牆久湮沒重申前禁建閣墩上以奉大士名之曰大悲閣

金湖浪墨

黃鈞宰

大悲閣高五丈宛在水中相傳水大則閣與俱浮木嘗沒其趾也閣之東為老君殿而蔡公祠及諸蘭若當其南達以長橋蜿蜒如虹環城如平岡卧嶺樓台



錯落水木清華郡人遊憩于是馬在五月既望劉琴白程獻青家庶春以予二十初度買舟載酒而往四面芙蓉風馥郁紅妝素服綽約臨波有境如蓬島三山外身在蓮花萬朵中之句飲未半雷雨西來涼生襟袖雖敗興殊適體也

甲戌中秋前三日同養正泛舟城西隅放生池登大悲閣玩月風潭百頃雲淨天空喜而賦

沈香二韻

蔣 楷

月起滄洲外空明萬里心虹橋飛百尺雄堞繞千尋地僻漁樵斷林疏殿閣深恍疑天上坐漸覺眾星沈魄帶三分缺宵添一綫長自注是日夜長六刻蓬壺浮水鏡蘭舫載天香獨登袁宏詠高飛庾亮觴廣寒歌舞散應耐羽衣涼

躡躡餘話

段朝端

城內西南隅烟水渺瀰最為遊賞勝地在宋名萬柳池明時號雲水清環邑志有朱之蕃遊雲水清環同彬子劉郡伯飲詩注雲水清環即天妃宮志文有李天授游雲水清環詩是雲水清環在天后宫一帶無疑乃郡人忽于西北隅蔡公祠側壁上顏以雲水清環四字未免迷方失向矣

docsriver 文川网  
入驻商家 古籍书城

在文川网搜索古籍书城 获取更多电子书

前題

前人

郭家池乃元時龍興寺僧郭法亮乞寺後菱田養其  
 二老後人因名為郭家墩見龍興寺碑陰明司李袁  
 彭年於此放生改名放生池順治庚子總漕蔡士英  
 就墩建大悲閣聯以板橋俗名蜈蚣橋象形也舊志  
 古蹟已云今漸傾圮子兒時刺舟過其地荒草沒逕  
 橋無片板惟樁木尚存光緒中何俊卿舍人銳意重  
 修勸募經年始復舊觀顏其橋曰如虹夏時聞有人  
 觴客于此不三五年漸就零落橋板為鄰近盜竊盈  
 盈一水又可望而不可及

冬日游大悲閣

魯元壽

策杖迂回過板橋大悲高閣勢凌霄風寒殿北冰先  
 合日淡城陰雪未消殿院鶴鳴三鼓月閉門僧定五  
 更潮茫茫不辨來時路但見白雲空際飄

初夏月夕同周霽侯漢昭邱汝紹蓋書念祖通

求飲放生池閣上

劉沁區

良宵何地不堪遊樹隱紅橋覺更幽最是清池宜皓  
 月故應高閣似深秋蕭蕭檻外侵蒲葦宛宛尊前宿  
 鷺鷥莫挂煙帆五湖去只合城市有滄洲  
 涼生夜水促回舟坐愛空明為小留楊柳拂隄濃露

滴茅茨隔岸薄煙收漸看塔影移西郭遠聽鐘聲動  
 北樓風月正佳人欲散清光虛負郭池頭

大悲閣

徐日昇

到此探幽勝緣橋曲檻長水雲環淨域花雨散空香  
 寶筏留初地塵容愧梵王葦葭雖渺渺彼岸是慈航

大悲閣步赤如日昇叔韻

徐初

龍興禪院後虹影卧波長一徑柳垂陰四圍蓮遞香  
 煙雲開勝境風月屬空王最愛客裳客招涼繫野航

十二夜大悲閣觀孟蘭會

毛夢蘭

秋草芊芊半野墳幾人地下果修文生前久受椰榆  
 苦未必重泉轉重君

年年兒女採蓮花拜佛歸來月已斜獨抱秋心人不  
 識在家僧久作浮家

蕭齋秋意送宵涼露溼流螢漾碧光卻憶玉門關外  
 路夜深燐火滿沙場

午日遊大悲閣

徐登鰲

崔嵬傑閣倚城隈競渡靈旂擊鼓催一面夕陽三面  
 水游人都過小橋來

游大悲閣晚歸

丁壽昌

蕩槳宵歸涼影澹菰蒲經雨綠層層蛩聲競促荒郊

大悲閣納涼遇雨

前人

到此渾忘暑垂虹碧浪中  
塔空先受月水潤自生風  
靜極僧居遠浮多客舫通  
荷送響急雨打孤蓬

大悲閣

陳雲三

何年孤嶼開梵宮宛如複道須行空  
四圍綠水藕花月十丈紅橋楊柳風  
自注甘泉毛秋伯先生句老衲送迎成乞相  
游人多少踏長虹郡城三里禪居百無數  
亭臺似畫中

大悲閣

傑閣拂雲漢登臨人在空  
春烟楊柳綠新月藕花紅  
徑履千年蟒橋眠十丈虹  
風蓑兼雨笠來往有漁翁  
子上招同諸子飲留雲道院并游古靈慈宮訪  
惜陰書院故址次日笏林復招飲勺湖游龍  
興寺大悲閣即事賦二十韻 徐嘉

曳響連未消甘谷酒重訂勺湖船  
襍俎驚成式多聞

愧茂先一航浮荻渚十院話菱田  
蒲稗依叢密荃蘅

采靜妍澄清今叔度淹遠古夷堅  
會際王裴迹碑尋

宋魏年深談成麗畧豪教致騰  
審帆影河橋駐鐘聲

塔寺懸激軒諸籟寂

自注奎文書院西齋名激軒初月吐娟娟

題大悲閣圖

楊嘉譽

披圖恍聽棹歌聲風景天然畫不成  
莫是前宵明月好樓臺移照到蓬瀛

紅橋碧樹遠含情波影烟光辨不清  
是否阿嬌船上坐藕花衫子尚分明

高閣飛空敞畫楹四圍碧水白蘋生  
接天蓮葉渾無路留住扁舟不放行

自笑詩狂浪得名此身已似一舟輕  
欲來圖上尋涼夢好與閒鷗踐舊盟

題大悲閣圖

殷汝金

萬柳池塘開鏡匣浮圖倒影斜  
陽光長橋如虹亘十丈矗立高閣飛雕簷  
柳光榆景入圖畫研光半尺須彌芥  
慘淡經營一指彈滌除煩惱清涼界  
清涼世界波微茫風來自在聞蓮香  
蓮香秘蘊沁肌骨截筍吸酒流詩腸  
詩腸勃鬱酒腸窄一聲長嘯海天碧  
回頭笑問圖中誰酒酣斫劔淮南客

題大悲閣圖

韋宗泗

城北郭家池沿隄種楊柳四圍雲水中  
高閣凌空久雕甍燦金碧粉垣塗丹黝  
長橋卧綠水蜿蜒如虹走鐘聲送殘陽  
塔影低向後方塘開鏡匣澄川淨無垢  
年年六七月香花散菱藕日落夏氣清  
招涼約良友扁舟自在行盃飲碧筍酒  
入坐滌煩襟面塵撲三斗何期尺幅中  
攝景色萬有顧予久為客此福難領受

儂識莫愁船長繫橋南樹向曉下蓮塘  
來吸花間露參差船笛吹縹緲湖月落  
時從螢火中突兀見高閣水調歌頭詞  
題大悲閣圖 李達元

一簇好樓閣宛在水中央何人收取圖  
畫絕勝買陂塘背倚孤城半角飛跨紅  
橋十丈四面盡垂楊熟視忽展笑曾此  
屢追涼烟淡淡波渺渺境茫茫誰生瓜  
皮艇子微露藕絲裳醉挈兩行鷗鷺飽  
握三更風露消蓮香到此遠塵世底用  
度慈航

墩南北各建長橋綿亘數十丈南橋背潛邸甘建通  
蔡公祠北橋已紳楊繩武建通老君殿  
久祀今值水落時北橋不知其名稍見  
水中木柱排比而立即橋北也南橋名曰如虹

清平樂詞 感舊 橋

楊嘉譽

碧波如鏡曾照鷺鴻影歸去橋南風力勁  
日暮同乘小艇別來重凭闌干天涯惆悵  
秋寒止有垂楊依

字青琴著惕介山槃騰稿

黃中字甫及明諸生福王勅封鴻臚寺卿

靳應昇字璧星一字二娛號茶坡又號茶坡樵子明  
歲貢生有技才為詩壇夙望播遷後風雅如綫結望  
社以勵同人淮安詩學復盛著有渡河集焚餘草歲  
餘草

郭為珙字子駿明諸生詩集未見

張與若字伯玉歲貢生幼起華胄負才氣結納徧天  
下國變後匿名削籍而吟諷不衰與舅氏郭九觀同  
日落籍日與同社諸子相倡和才氣疏莽有大家氣  
味

沃起龍字荀伯崇禎壬午副貢生與弟起鳳每試輒  
各冠一軍士林交稱之會世變遂棄舉子業耽情吟  
詠里中推為祭酒有自著年譜一卷

卞為鯨字友龍順治甲午舉人少負才名著述極富  
有長嘯集十一卷

胡從中字師虞號天放崇禎壬午舉人入國朝不復  
與計偕避迹鄉里居鉢池山繞屋種棟名曰棟居其  
詩縱橫磅礴有真氣

嵇宗孟字子震又字淑子號師巢安東人居郡城崇

禎丙子舉人以技貢領鄉薦為文章聲氣徧於江北吳  
梅村祭酒極推獎之謂有縱橫排鼻之才累官知杭  
州府事以疾致仕康熙己未以鴻博徵不就著有楚  
江蠡史驢背吟識小箋星路陽秋諸編名曰立命堂  
集

陳台孫字皆六一字酒人崇禎庚辰進士授浙江富  
陽縣知縣擢戶科給事中後晉陝西隴右道與陳卧  
子齊名號二陳乙酉歸故里自號楚州酒人詩旨淒  
然尤足頡頏卧子

張鎮世字爾嘗崇禎甲申拔貢虞山先生從子

沃起鳳字儀仲一字餘廉起龍弟恩貢生著有禮記  
滙解四十卷杜詩解易二卷史論四十篇其書散佚  
潘取臨字大也崇禎乙亥拔貢順治甲午舉人戊戌  
明通榜進士常熟教諭少負文名及老尤多隱行  
程洙字維東順治辛丑進士官直隸平谷縣知縣文  
稿散佚

張養重字斗瞻號虞山又號虞山逸民崇禎癸未諸  
生明末落籍以詩名與同里靳茶坡閻再彭輩結望  
社索米四方北極燕雲南逾瓊海登覽甕吊無不見  
之於詩悽惻纏綿有風人之旨有南樓楚雨三更遠



春水吳江一夜增一聯王阮亭極為擊節遂訂交焉  
閻修齡字再彭號容菴別號飲牛叟崇禎乙亥諸生  
明末落籍避迹白馬湖濱名其居曰一蒲菴與同里  
張虞山靳茶坡為世外交朝夕行吟結望社相倡和  
其詩高潔無烟火氣不減儲王著有秋心秋舫冬涉  
影閣諸集紅鷗亭詞舊刻有先閣遺徽悼丁孺人而  
作又有青溪怨感青姬而作詞語淒婉一時和者如  
雲後均散佚

張新標字鞠存號淮山戶部九霞先生子順治己丑  
進士擢吏部考功司主事以鄰部失察改陝西苑馬  
監丞康熙己未舉鴻博以疾告歸著有淮山詩選子  
鴻烈字毅文康熙己未舉鴻博授翰院檢討

楊方字大千順治甲午舉人

陸求可宋丞相忠節公之裔明初遷淮著有治俗集

密庵文集

此條節錄詳見園亭陸家荷葉睡條

徐轉迅字動盈歲貢生全椒訓導著有橫秋閣高卧

堂集燬于火白賁堂集未刻

陳穀駮字爾燕號石菴

程淞字婁東號寫庵淮東大令弟也少赴浙補秀水  
縣增生隱居不任著作甚夥未經付梓

馬駿順治己酉舉人著有聽山堂詩選又與黃岡杜  
于皇合刻二西近稿行世此條節錄詳見園亭聽山堂條  
趙朗字天醉一字天民徽州休寧人著有古冥齋詩  
嘯虹筆記

李孫偉字遠令號巨平恩貢生廷試第一選崇明訓  
導著有玉說堂詩存葉孫偉為

張新棟字季望九霞先生季子鞠存吏部弟順治庚  
子副貢生兄弟齊名提倡風雅著有願庵集

倪之煌字天章別號鈍道人山東臨清州人流寓山  
陽居湖嘴著有一草堂集南涉襟詩泗上襟言

邱象升字曙戒順治乙未進士改庶吉士海州侍講  
左遷瓊州通判以內艱歸服闋補大理寺左寺副王

漁洋先生墓誌謂幼而聰警日讀書盈寸亂後益加  
意發憤旁及詩歌皆有神解與弟象隨齊名號淮安

二邱著有南齋詩集穀音白雲草堂諸集  
邱象隨字季貞順治甲午拔貢康熙己未以鴻博徵

授翰林院檢討官至司經局洗馬先生少承家學年  
十四即工詩著有西軒詩集西軒紀年集手輯淮安

詩成刻之凡例有云自茶坡諸君子當干戈擾攘之  
際聲與望社及曙戒余弟兄在跋涉流離之餘倡和

西軒其初盛也嗣與伯玉階六友龍諸公會獵則吾社凡出處二十有四人風雨晦明刻期毋失以是遠邇同聲其再盛也今社仍以望名亦從始云

閻若璩字百詩牛叟先生子世宗在潛邸聞徵士名手書延至京師呼先生而不名恩遇有加沒後為文以祭并賜輓詩三章詩云褒衣博帶鉅儒身瞥見松堂繆幕新天上星躔歸處士人間藝圃失經神魯魚猶辨讐書力辰已先徵入夢因絕勝匡牀揚子宅謝家庭樹有奇珍清流地望表清淮北海碑前絳帳開一萬卷書維子讀三千里路為予來春風倚檻鋪紅

藥夏雨臨窗潤綠槐花下談經無兩月那堪二豎鎮相催自昔儒英并大年先生白髮已蕭然初疑瘦骨全符鶴詎料輕身早蛻蟬舊德已嫌百歲耄古稀猶欠一春延遺編歷落珍珠字留與韓門籍湜傳先生名滿天下平定張石洲所輯潛邸年譜本末具備至其束髮工詩幽潔雋永不減晉人風味後以積學嗜古邃于考證議者轉以詞章為所短耳

此條稍節詳見後書院

七先生祠條

相與湖洞觴咏其中每值浴蘭春舫泛月秋橈荷院招涼蘆汀醉雪簪裾之會無間四時沿湖一帶竹籬

花園舞榭歌樓蓮社僧寮杏帘酒肆相望于道密如繁星無何日漸蕭條閣亦就圯乾隆中漕督楊錫紱字方來江西清江人進士二十二年任三十二年曾平于官謹勤愷改茲清恪有惠政淮人深德之曾一修之咸同以來軍旅繁興閣與橋均傾壞密縣張汝梅字漢仙廬生軍功保道員授廣西巡撫久倚于淮謀諸漕督張之萬字子青南皮人道光丁未欲重建閣不果清河王璈字雲門又出資繼之亦未克就光緒辛卯邑人何其傑

陸元鼎何閣讀家傳 君姓何氏諱其傑字駿卿號小波先世家浙江餘姚高祖貞士先生始遷江蘇淮安府遂為淮安山陽縣人曾祖諱瓚祖諱長元皆贈中議大夫四品銜候選員外郎加一級考諱錦以候選員外郎加四品銜誥授中議大夫君由同治癸亥補行咸豐辛酉科拔貢生就職直隸州州判改內閣中書加侍讀銜中式同治甲子科順天鄉試補漢宗彘中書舍人應充國史館方略館玉牒館校對官漢橋房收掌官本衙門撰文協辦侍讀君才識通敏有用世之畧及官京師久以文行英爽嫻習掌故名譽大起願禮闈屢試屢蹶默不得意年甫

四十遠告歸有知君者每願推挽之以竟其用君夷然也少時篤內行年十八居母駱淑人喪以孝聞及父中議公即世服既祥猶有毀瘠之容識者頗以是重君矣咸豐十年拾冠竄淮安大府不能禦清河陷郡城戒嚴君偕里中耆舊治團防事最以勤練著甫賊退君亟出資掩露尚籌賑濟并價收汙沅字紙一時兵燹餘生多沾其惠山陽素多善舉如助振放生夏施茶冬施衣以及藥局保墓局皆夙有成規而行之既久不能事皆核實及君自京師歸家居多暇遂以諸事之廢興引為己任或造或因務求盡利由是諸善舉莫不次第整齊秩然就理其善濟育嬰兩堂君仰承先志既皆設法籌款為謀久遠而普濟堂尤所盡心蓋堂中雖有田產每屆青黃不接其費皆君籌墊歲或不登亦必竭力埤補不使事有廢闕故費用頗巨曾不以省嗇為念至所立義莊及清節堂昔之人有志未逮君不惜出貲鉅萬紐為斯舉凡以厲人心厚風俗足令聞者興起非甚有力而又好義者殆未易仿行也君自幼時每以先德中議公保衛鄉

里著有成績深懼不克負荷及君踵其事乃彌加恢廓不惟君才行之美其世德亦彌光己雍正九年朝議割山陽鹽城兩縣地別設阜甯縣山陽縣學廩附諸額以分撥新縣各減六名前輩屢謀規復訖無成說及君與同里顧錫修雲臣主其議經畫周密陳請至再卒復舊額故漕運總督袁瑞敏公于淮安有保障功既建專祠張中丞漢仙為撥田備修繕祭祀費君職其事歲有常規得以時享不廢舊城西北隅有大悲閣及閣外長橋號稱古勝蹟歲久圯廢殆盡君于老之將至猶獨力修復費緡錢無算他如繕城郭疏文渠新學宮增號舍重修府縣志公中鉅舉董其役者雖不止君一人而君靡事不與且識見明決尤工權算督課程功往往親執藝鼓事有糾紛片言立解人以此益推其能自君家居二十餘年凡涉鄉里之咨諏謀議君必皆懇懇懇到不欲以趨避為高以此雖號退處絕少自逸可謂任士矣先緒二十二年二月以疾終于家年六十有五君篤嗜方策九流百家無不采覽為文千言立就不為苟同累主講席多

所成就為人廣充游好論說長吏下車咸造門  
致禮訪求利弊從游之士四方輻湊君猶以其  
間著書不輟其精力亦不可及云所著為周易  
經典證畧說文字原引別雅類讀選集箴淮郡  
文渠志山邑先後加復學額志先正炳靈集景  
袁齋集先後天陰陽說管窺一得陽宅門路志  
撥沙尖指關微又輯有龍城書院課藝山鹽阜  
安四院課藝總若干卷子福震同知銜候選訓  
導孫七人炳森懋森邑庠生壬森郡廩生餘皆  
能以文學世其家曾孫八人 論曰君與予為  
辛酉同年生子前知山陽叔建射陽書院經始  
之力賴君居多由是過從親密得以悉君之為  
人古所謂鄉先生沒而可祭於社者君庶幾無  
愧色已顧君慷慨持大體勇于兼善而疎節濶  
目或不免為輿臺所蔽故其晚年頗以所筮積  
穀倉事不理于口予則以為君振奇人也苟如  
古之鄉愿惟規自全過則倖免厥功安在然則  
本君此志以衡世論亦奚足為君病乎君家淮  
安已五世至君始以科目顯其後諸子弟聯翩  
繼起英才輩出君雖不逮大耄以終而門祚方

威聲名煒如已足自慰易曰積善之家必有余  
慶孟子曰君子所以異於人者以其存心也世  
能通其說于君得失之故亦可以憬然悟矣  
始集資復修大悲閣與如虹橋

張球重修大悲閣記 淮安府治之西北隅舊  
有所謂大悲閣者閣建于放生池之中池水環  
之南亘長橋十五六丈循橋而南為蔡公祠蔡  
公者順治之季任督漕有治績沒謚襄敏閣其  
所創也乾隆中督漕楊勤愨公又修治之遂為  
郡人游觀之地方春和時柳影波光一望無際  
游其間者如入圖畫自遭兵燹閣既圮而橋亦  
傾矣張漢仙觀察久寓淮陰憇焉傷之請于督  
漕張公子青發銀七白金重建閣三楹功未竟  
者二十年清河王君雲門以其先人欲修之而  
不果也願助貲五百緡又以不敷而止今年五  
月天旱邑人士禱雨于蔡公祠何中翰俊卿慨  
然肩其事集貲千餘緡與雲門鳩工庀材閱月  
而閣與橋乃皆復其舊嗚呼盛衰興廢之故蓋  
可見矣閣之創自我朝迄今未三百年而經營  
改造者再粵逆事起荒廢不治且四十年得王

君為之倡今中翰又始終其事不煩官司之役而基宇式廓風景猶昔使蔡楊兩公之流風餘韻悠然不墜可謂好義也已顧球自己丑之冬來守斯土倏忽兩載幸政平訟理無曠職廢事獲免于罪戾者邦人士之贊助為多今方承大府檄移權徐州受代當去不勝離索之感莫他日還臨舊治登閣遠眺春秋佳日與二三君子徜徉于紅樹碧陰間叙述曩年共事時情景以為笑樂必有俯仰莫猶流連不能以已者爰為之記俾後人知王何兩君之勤而球之所為倦倦于斯也時光緒辛卯秋九月

建緯楔橋上榜曰雲水清環閣左右各築側屋三楹東偏設繫室周繚以籬輪奐之觀過于疇昔甲午之夏遂有燈舫之戲烟月空濛箏歌填咽頗極一時之盛儼而諸無賴子漸竊閣中物去無譙訶之者馴至毀窗牖折椽柱側屋繫室夷為平地橋亦無片板存僅空閣差戔獨峙而已然亦破敗不復可登初郭家墩側有阮池池南有心印庵乾隆郡志稱其地烟柳四垂畦圃交映蒲葦菱芡錯雜其間

阮芝生阮池考 淮城北郭家墩之旁有池曰

阮池郡志注云不知其所由名志則作阮家池舊志又作阮溪莫能詳也壬辰吳山夫丈罷鳳陽學博歸貽愚兄弟書曰在濠時偶于故家書簾中得明故靈璧侯湯世隆適園集一帙蓋當時積習將帥率好稱詩所作殊庸陋不足觀然卷中詠淮陰故蹟甚夥乃官漕運總兵時所作也其遊阮池詩序曰昔有阮隱翁者愛斯池佳勝花晨月夕泛舟往來招同志流連觴咏年八十猶不輟後人慕其高致故以名池云其詩不工故未紀錄而序數言實可備搜采惜予當日修志時未能博考也隱翁不知何許人請質諸賢昆仲家傳中留心參稽用志舊聞俾異日續修志乘有可據焉山夫意良厚謹業吾邑阮氏寒宗外無二支而家譜所載自再二公以下初無號隱翁者惟李參政元贈月窗老人詩云隱翁阮月窗貌古鬚眉蒼疑同時人以隱翁稱之未可知也月窗公以成化乙未生卒于嘉靖壬子年七十八與詩序年八十語亦相合世隆任理潛在隆慶萬曆間距月窗公下世二十年流風高致土人度猶能傳之據以入詩後此則漸

湮矣更考正嘉以前名人撰著無有道及阮池  
片語至隆慶中陳玉叔守淮始蒐入府志則其  
地之得名斷不在月窗公以前蓋無可疑謹識  
于此以俟後來博雅君子得援以補志書之闕  
云

河下竹枝詞

殷自芳

月夕花晨泛小艘阮池風味比春江昇平勝事  
耆英會苦憶詩人阮月窗

阮池

徐嘉

郭家墩畔蓼花紅前輩風流憶隱翁我欲泛舟  
尋舊迹一篙煙水月明中

今心印庵既不知所在阮池亦不可攷然既在郭家  
墩側則去勺湖必不遠或已溝合而為一歟今湖中  
蒲葦菱芡隨在有之尤以芙蓉為最盛業此者四五  
家各守其界世其產夏日游舫至輒棹小瓜皮艇隨  
其後舉手擲實以獻夕則羣泛向空澗處鷺蓮鷓歌  
呼飲博以為樂快哉此曹不復知有人間世矣湖中  
故有十二景邑人士形為歌咏

書莊雲淨

阮家駟

靈源清閭勝仙寰書味遠兼道味閒綠樹成村

鶯伴誦碧天如水鶴孤還客心朗澈潭中月城  
影分明畫裏山下築不煩尋福地須知此處即  
瑯環

水榭風香

徐嘉

行盡牆陰別有天碧筒周匝一池蓮朗吟試拂  
垂鞭袖小飲偏逢載酒船風定靜中香自在茶  
餘味外樂無邊水窗觀釣深忘暑半日清閒亦  
是仙

草堂話雨

阮家駟

甘霖愜意沛名園小集茅齋共笑言北海開尊  
添竹爽西窗剪燭助荷喧蟲鳴果落吟新稿鳥  
語花香憶舊軒工部昔年清讌處至今尚論湖  
淵源

蓮艇搖烟

程鍾

君子花開泛棹宜晚雲舒卷繞漣漪小娃撐過  
洋開處浣女歸當竹暗時蘭漿臨風波蕩漾荷  
衣浸月影迷離恍疑碧漢逢仙侶藕大如船笑  
問伊

松扉梵唱

張開模

指點蒼苔傍水隈禪關欲叩此徘徊梵音朗徹

清聲靜夢影模糊  
棒喝回排闥清風聽偈去敲  
門新月送詩來眼前礪砢休相惜  
樹是菩提鏡是臺

柳激漁歌

徐承泰

何處烟波不浪游  
高歌散盡古今愁  
天教楊柳開青眼  
人豈漁蓑老白頭  
萬點寒鴉留夕照  
一輪涼月上孤舟  
遙看滄海橫流甚  
漫把閒情寄唱酬

城西帆峭

朱占鰲

春來桃浪逐危橋  
河廣重賡一葦杭  
天上高擎衝細雨  
風中正挂帶斜陽  
鷗銜次第三洲過  
雉伏分明十幅揚  
倘有米家書畫舫  
絆留應繫酒旗旁

池北鐘沈

汪瀛

誰從清夜凜聞聲  
斗轉星移百八鳴  
飯後有人清夢感  
山中何處舊游驚  
風迴東閣偕敲磬  
月落南軒共數更  
太液早朝應肅靜  
景陽漏滴待天明

長橋卧月

朱占科

蕭鼓船歸鑑別開  
也乘餘興過城隈  
未雲龍見

驚鷗夢既雨虹眠  
孕蚌胎百尺丹邱形繪出  
二分水景移來老漁罷  
釣歌初起不脫蓑衣卧幾回

飛閣流霞

昔慶昌

畫栢丹楹縹緲中  
光華直與赤城通  
日邊散綺倚孤鶩  
雲外垂鈴接彩虹  
錦帳四圍還燦爛  
朱闌一抹透玲瓏  
登臨好乞朝含術  
不羨凌煙為表功

鷺汀塔影

詹坦

七級玲瓏倒映湖  
一浮圖幻兩浮圖  
水田漠漠龍盤鏡  
波月溶溶蚌吐珠  
似雪擁翻千佛卧  
隨風吹墮萬花扶  
何如曉日臨城角  
照耀文奎射九衢

鷗館暮聲

楊八元

十二闌干夜月臨  
消閒對奕樂朋簪  
為爭先著勞清夢  
須聽疏音識苦心  
韻問倚樓人弄笛  
響隨登閣客鳴琴  
丁丁出手談何易  
度數詳明重藝林

湖之南書院一曰奎文書院  
祠廟六曰龍興寺蔡公祠  
關帝廟大王廟文通寺  
斗母宮塔一曰文峰塔湖

之東書院一曰勺湖書院祠廟四曰水陸寺老君殿  
大神廟福興菴其昔時園林瀆于湖者與名流碩秀  
嘗栖止湖上者均次第著錄于後備觀覽焉

金縷衣庚寅五月飲范伯溫史故舟於楚州  
之勺湖深烟水離懷俱長棹歌催人  
譜此答之連句

漫怨風兼雨問重來畫橈載

酒此鄉佳否落照沈沈蒲葭外昨日臨流小駐

憑記取浪游心緒荷鋤劉伶呼不起聽粥魚傍

晚敲殘杵將勺水酌黃土 茫茫世事洋花聚

一憑闌凝雲憇雨那如今古吊夢訝離間閒話

舟子催人歸去到岸莫忘前渡繫纜沙堤何處

好向前頭垂柳深深處梢上月半宵吐

前調癸卯閏月勺湖暮泛荷花深處人世虛

舟耳幾時能剗除煩惱寄生雲水絕代花身空

色相畢竟難忘初地突地把閒愁攪起渺渺予

懷何處著望長空一抹天如洗天下事當如是

千帆準備今朝醉曾記得那番離合那般况

味道院桐花僧院柳不肯替人憔悴感風絮蘋

根鏡裏斷岸前頭霞影隨猛鷺心暮色蒼然矣

爛醉耳吾無悔

水調歌頭和勺湖暮泛 王錫祺 一粒小湖月打

起睡鴛鴦曉煙泣露何許默默上河梁妾似寒

家碧玉那得黃衫豪俠引伴綠衣郎攬鏡自歎

惜怕燕博山香 感飛絮悲斷梗怨垂楊遊蜂

底事獨來花裏儘猖狂斃然春愁滋味惱煞冬

烘情緒更妬煞秋娘解渴何須酒玉杵搗瓊漿

甲辰初秋勺湖泛舟明甫元微幼恭溫史連句

幸哉秋氣淺萬象未蕭條況有餘炎在難將

內熱消新晴債夙約俊侶共輕橈菰蔣蒼蒼遠

風滿瑟瑟遙亂霞和塔湧落日向人招澹岩香

千界清漪酒一瓢城隅隈曲岸石磴接危橋且

沒前朝 言尋舊日寮澌軒桐子落講院蓼花

彫指點成今昔徘徊忘暮朝何辭塵網束莫遣

鬢絲飄蟬咽離披柳鷗眠浩蕩潮蜻蛚驚避影

蟋蟀漸吟宵幾日逢搖落重遊倍寂寥生塵應

爾爾餘興尚迢迢不覺江湖闊難容意態驕新

詩酬歲月歸夢逐漁樵回首幽栖地雲烟隔水

饒

和作 王錫祺 一水蕭湖界勺湖鑑湖清淺

俗鷗鳧即看萬柳陰陰處得似丰昌景物無

一曲尊前聽履霜畫船載酒夜筵張衣光鬢影



分明在 不見淮南女月香

丁十九約飲酒肆飯罷泛舟勺湖歸逢微雨

前人 有約不待邀入座 濁盃盞薄醉 蒸炎蒸  
脫身上 蘭漿小渠初偏仄 平川忽決 潏酒力敲  
風濤 驕陽淡畫 幌生憎 沒三篙安用 吹五兩襟  
抱謝 歎熱耳目快 昭朗穿入藕花 壁四顧未暇  
賞如 舍出浴姿 紅裳却錦 襪輕落不聞 唾呷  
魚鷺上 徐聞鼻觀 清細領心 旌蕩菰蔣 競相附  
高高 盈十丈 頗自矜 秀口柔 靱失憑仗 十畝可  
潮洄 中央愁 決盪層 霧遞 窳雨 偶滴 蓬背 響知  
為雲 光來早 挾詩情 往雖無 大好懷 賴有微尚  
想溪 頭浣紗人 倩影對 潏潏 不愚 鷓鴣 子那得  
一舸 放何必 芣蘿 村乃落 珊瑚 網追歡 意未厭  
催歸 杖惘惘 重遊訂 後期 暝色 送蕭爽

勺湖志卷二

書院

奎文書院 初聯城平成門內大神廟有周公孔子  
二像不知其所自乾隆辛卯知府陶易見後陶建悅  
道樓奉之并設惜陰書塾召生徒肄業其中以學官  
或邑之考廉為之師稍有資給嘉慶乙未知府官懋  
弼見後官改今名延主講設監院來學者益眾咸豐  
中 以兵事廢堂舍皆圮同治三年知府顧思堯見後  
條 改建于此

高士魁奎文書院記 奎文書院淮安郡伯課

士之所也昔非書院乾隆初太守陶公易于城  
北寺中得周公孔子二像建樓祀之名曰悅道  
因起羣房名曰惜陰書社集諸生講學其中其  
時膏火不充肄業者寡嘉慶初太守官公懋弼  
增修六邑捐助膏火改名奎文書院而後規模  
始備夫奎于星為天之府庫繫之以文殆以是  
為文章之府歟久而奉行者怠咸豐中兵火逼  
郡城河下灰燼資之存質庫者半沒書院亦不  
可問壞牆頽榭零雨飄風過其地者有斯文之  
戚焉顧公勛卿由邑侯游升守茲土毅然興之

docsriver 文川网  
入驻商家 古籍书城

在文川网搜索古籍书城 获取更多电子书

以舊地湫隘周歷城中得地于西北隅俗名十王堂清流濼繞土脈起伏爰鋤荒穢葺奠壤平凹凸鳩工庀材百堵斯作工甫畢而公疾卒于位代任者為章公菽亭勤勤懇懇力畢斯役前後再歷寒暑棟樑榱桷之列甃石灰土之積圯壤之章飾以次遞舉為屋八十餘間高者堂邃者室廊迴而檻曲齋房周列庖湑畢具居歿其新名仍其舊章公又勸捐以為膏火之資歲修之費蓋所以為書院慮者至周且遠矣昔顧公之興是役也為某言曰天下之亂由于賊民興賊民興由于下無學自粵販踞長江宿水擒賊繼起郡縣煩擾于是士人之能者出而任其鄉之事任事者衆而民滋病而士風遂如江河之日下去而不復返吾建斯以興學或者其中流之一壺乎某謹應曰諾夫舉世方以侈談經濟相矜尚一矜之士意氣揚揚持手版走官府指陳方略規畫形勢其有閉戶抱經蕭然窮餓者方羣起而笑之以為無用而顧公乃即此兵火小休之日兢兢為此無用之謀者何哉嗚乎此乃老子所謂無用之用也今顧公既逝章公復

有同志某老居林下謬膺主講之任竊有見于

今昔士風之異而不能無慨于顧公之言也爰

書其顛末以志二公之仁政而為同人勸焉

此業記為吳昆田代作見漱六山房集

其後當事者續有增輯輪奐為城中各書院冠中為

六公祠祀歷屆淮安知府陶公

光緒淮安府志陶易文登人舉人乾隆三十四

年任

登州府志文登縣科舉門 陶易正士子乾隆

甲子優貢壬申舉人歷桃源武陵安福安化瀏

陽益陽衡陽和縣平定知州淮安江甯知府陞

惠潮嘉道江安糧道江甯布政使代理織造管

新龍江南稅務著有平定雜志備采

### 官公

光緒淮安府志官懋弼嘉慶二年署

山陽信今錄官懋弼大興人舉人

### 恒公

光緒淮安府志恒廉正紅旗人舉人道光二十

九年任

### 顧公

光緒淮安府志顧思竟武威人舉人同治元年任

又府志名宦傳 顧思堯同治初淮安知府歷任阜甯山陽知縣善治盜賊斷而敢行令行禁止以嚴厲治辦稱其行事類前守趙酉咸豐中任山陽庚申寇亂有保障郡城功

### 章公

光緒淮安府志章儀林固安人監生同治三年任

又府志名宦傳 章儀林初官南河通判時河工故壞當事者方以團練為中飽計河督庚長嘗識儀林于京師至是厚任之將置諸脂膏地儀林不應以引見辭赴都未幾皖寇陷清河河督以下皆得罪儀林獲免同治初漕督吳棠委辦軍需大府徵調一錢一粟必究其根株侵欺殆絕嘗曰吾不敢以私公者累公也棠亦曰章君廉吏真愛我者也後擢知府事至則濬河築城振災荒葺故棚書院日不暇給劇賊賴文沈寇山東沿海大震乃界海沫築長圍于六塘河南岸為守禦計圍長四餘里日走風雪中畫地

賦工往來督察四旬而成踰月賊潰而南扼于圍東軍追及溺死者大半餘賊擁其酋夜半突圍而奔中道降散至揚州遂成禽是役也徵長賊既平大吏詢善後事以疏各邑水道與除清河灘派糧賦對既得請值以道員開缺候補儀林不自諉任事益力勤勞執掌三年事皆辦而除賦之功尤偉民至今得之為人質直不欺其志自拔孤寒之中服官三十年絲粟無所假彈心為民廉正不阿持身居官皆可紀有古循吏之風卒葬郡城外郡人即書院為祠祀之

吳昆田淮安府知府章公墓表 光緒三年丁丑六月初七日辛卯前任淮安府知府章公卒于淮郡即以其年葬于郡城東北石頭橋之原又五年公之子傑照以行狀來求表其墓昆田與公知好垂三十年乃不辭而叙之按狀公姓章諱儀林字秋亭先世會稽人以父卒官山東遂隸固安籍幼孤奇貧莫之卹族人某攜之入都稍長為曹吏入賞得通判分發南河咸豐初與塞豐工決口三年復決罷官軍事起大吏留

辦防堵軍儲六年復官署徐州通判外南同知以防勦功賞戴花翎遷同知改省安徽十一年援例改官江蘇仍治籌防事再遷知府補缺後以道員用加鹽運使銜同治三年署淮安府知府四年嘗授八年呈請開缺以道員候補居郡城卒年六十五方公至南河時河工已極敝而軍事方亟河督庚長識公于京師知其材行至是厚任公凡金錢出入皆侍以主辦後稔知公居官瘠言將徙之脂膏地使人微諷之公不應而力請入都引見河督惲然曰章君豈少哉耶行未幾皖寇陷清江浦自河督以下皆獲罪公獨免同治元年吳勤惠公掌來督漕河兼治軍旅延公為之佐遇事侃侃特正議多不合然卒無以易益重之前後司餉需六七年雖大府微調文發一錢一粟必究其根株嘗曰吾不以私于公累公也吳公亦曰章君固廉吏且真愛我者也及知府事濬山陽市河涇河暨各支渠葺疏棚書院百廢具舉不為浮議所撓是時劇賊賴文洗寇山東沿海大擾請于漕督張公之萬畧海漕築長圍六塘河南岸為守禦計圍五百

餘里奔走風雪中躬持籌算畫地賦工往來督察四旬圍成踰月賊首潰敗南竄扼于圍為東軍追擊及溺死者大半餘賊擁其首夜半冒死突圍而奔中道散去至揚州遂成禽論者謂是役微長圍為阻使賊全隊南馳其蹂躪不止一淮郡而建策興事實公一人力也賊既平大吏詢以善後事宜與民間疾苦公以疏清河安東二邑水道及除清河攤派糧賦為言既得請經營方有緒而公去任既而歎曰誰與吾民了此事乎乃屏常法獨身任其事貸官錢程工役稽戶籍勸勸鞅掌凡三年事皆告成而除賦之功為鉅先是清河移風懷仁兩鄉田自國初以來沒于水前令以其攤徵他鄉熟田中咸豐中河湖水涸沈田復出招墾課租歲入萬餘緡而攤徵如故民屢請抵除當事者不之省至公始白其困銳意圖之百數十年積累一旦蠲除故民尤德之公為人誠懇質直不欺其志嗜義如飢食渴飲意有所赴不避嫌怨必要其成尤嚴于自守居官三十年寸絲斗粟無所假藉天性孝友少嬰困躋長而自振迎嫡母與生母同居曲

盡供養無間言厚愛昆弟撫諸昆弟子如其子  
居喪哀毀幾于滅性自始殮至殯葬一依禮法  
三年不飲酒茹葷居于內人尤以為難自以少  
孤廢學燕坐輒手一編字句之疑必以問人每  
諄諄以讀書砥行勗其子至夜分不寐曾祖倫  
祖大錦壽張主簿父涵蘭儀主簿台莊閭官并  
贈如公官配朱淑人夙興攻苦治家嚴整能成  
公之志賦入清河時官民奔散篋帑藏者輩金  
去或念公入都家必乏以數百金致淑人不受  
則稱此章公寄我金今見歸淑人曰吾家不寄  
人金終不發械卒還之時方顛沛而操持如此  
則公之為人可知已自官箴貲數任宦以多財  
示得意世不重廉吏久矣以公之勤事愛民不  
得循良之褒真怪也光緒七年淮人以公有遺  
愛于是邦即郡城書院為祠春秋祀之嗚呼祠  
鄉墓朱邑雒陽祠稚子公無愧焉其庶幾有以  
慰公乎

### 存公

光緒淮安府志存葆正黃旗人進士同治八年  
任

### 孫公

光緒淮安府志孫雲錦桐城人貢生軍功保舉  
光緒六年任七年去八年回任

### 又有高公祠

段朝端躋躋餘話 高紫峰師主講奎文書院  
十餘年同治丙寅八月病歿王獻南文挽以聯  
云政婉漢文翁官報廿年為蜀人修起尊館齒  
符徐節孝名山一席以進士教授里門典切莊  
雅節孝歿時年亦七十六故門弟子追思教澤  
于書院西偏設龕供奉顏曰高公祠即用獻南  
文聯語適有以品高學粹四大字橫匾求售者  
同人僉謂吾師稱固懸為額可謂天造地設每  
歲四月五日為吾師生日同人舉行誕祭行之  
殆數十年近聞拆毀略盡  
又 蔡公祠聯云四圍綠水藕花月十丈紅橋  
楊柳風干佛寺聯云塔上鈴聲城邊帆影春風  
楊柳秋水菰蒲雨兩聯俱雅切  
同治山陽縣志人物傳 高士魁字映斗號紫  
峯少力學舉進士分發四川將抵省道逢客言  
頃出二縣缺君早至必得丹稜丹稜地瘠苦蓋

遲行可得我眉善地也士魁曰書生不習民社  
正賴濟區事簡耳且始筮仕即規規于地方善  
惡恐非事上以誠之道立謝客起已而果得丹  
稜丹稜西南皆重岡峻絕劇盜出入為一邑害  
地近獠夷俗尤獷悍一錢一瓜或爭忿至死無  
賴者益携刀筆游里閭挑之訟終歲囂然士魁  
至密搜盜巢禽而斃之檢律取其易蹈者刊布  
鄉鎮嚴戒無犯逾年而民風變乃修學宮進書  
院肄業之士親課之數年多有領鄉薦登進士  
者邑人說為盛事道光十七年淫雨害稼平糶  
有法民忘其苦凡治丹九年而去權知簡州時  
川東憫匪大起所在劫掠士魁練集民兵填撫  
鄉鎮賊不得逞會海夷入長江提督齊慎率漢  
土兵赴援絡繹過川再宿方出境州舊有捐辦  
供張費不足則增派于民至是州人請加派士  
魁不可乃自出俸錢資之豐其厨傳而請于主  
帥俾申約束竟事無擾未幾回任士魁蒞事丹  
稜久與民相習民以爭訟來者往往警解罷去  
所居官舍如僧舍幕府紀綱以次辭去日手一  
編與邑人士說經問難意泊如也而官事亦無

所廢邑之南有老我山案光緒丹稜縣志老我山在縣西五十里為邑勝境正六月游人多此作南誤後行述作西南亦誤最險遠中有廢寺  
民訛言佛光見以仙水療疾飲者良驗愚民爭  
趨之鄰邑數百里男女皆至投金帛議修葺構  
草屋以居山上下皆徧良民不能爭士魁聞之  
冒雨緣崖石往紮首事者答逐之封其山禁游  
民不得入事遂定居丹稜又六年遷知蓬州州  
治倚山面江江外連峰如屏嶂頗擅山水之勝  
公事清簡乃汰吏胥平完獄建書院置學田治  
民課士一如在丹稜時前州牧姚瑩虧公帑千  
金留貨裝以償後官携之去案光緒蓬州志姚瑩後署知州者為封允濂雲南恩平舉人道光二十八年任士魁為代償之士魁為人  
孜孜懇篤與人言必盡其誠當官必盡其事于  
驗報人命尤極詳慎嘗以川省州縣疆域遼濶  
阻溪山民以人命報者官每憚其險遠不時往  
或檄佐尉代勘驗報多不得實獄辭翻異死者  
致屢次蒸檢人證則株連逮赴經歲不結多破  
家死逆旅中民皆苦之故其所蒞聞報必立往  
反覆審視鞠治論報無誤者屢奉檄平他州縣  
疑獄常為大府所重云年六十餘引疾歸里咸

豐初軍與大府屬鄉民辨團練士魁亦與其列  
然居恒忽忽不樂以為為紳居鄉當敦行誼立  
品節為後進法不當聞外事即不得已而從事  
亦惟潔己平心差以免過而已以故遇事輒辭  
避弗敢任晚主講奎文書院教授生徒諄諄以  
治經植品為重年七十六卒

高廷第賜進士出身四川蓬州知州道銜顯考  
紫峯府君行述 嗚呼痛哉府君竟棄不孝長  
逝耶不孝奉養無狀康身莫贖宜自隕滅長逝  
于九泉惟念府君早年力學中歷仕途出入數  
十年當官居家事蹟燦然明白不及時詮次為  
戾滋深用敢搗淚和墨臚列于下 府君姓高  
氏諱士魁字映斗號紫峯先世家蘇州閭門明  
嘉靖中諱龍公者徙居山陽北馬廠是為遷淮  
始祖六傳至宏璧公諱瑄復移于邑之新城東  
門內家焉是為府君之高祖也曾祖訥齋公諱  
巖貽贈中議大夫曾祖妣杜氏貽贈淑人祖希  
周公諱濂誥贈中議大夫祖妣劉氏誥贈淑人  
考笠亭公諱尚仁誥贈中議大夫妣林氏誥贈  
淑人笠亭公生四子長雲喬公諱士榮次九峯

公諱士華歲貢生次府君次連三公諱士元府  
君少學於九峯公時先大父母皆在堂九峯公  
為菽水計恒出外教授府君不待督課力學弗  
懈每念家貧思有以佐之益自奮誦讀無間寒  
暑有所詣細書袖中行則默誦偶遺忘即出而  
復之人或以為笑府君自若也年十九入邑庠  
旋食餼始之河北授徒時先妣丁恭人來歸外  
大父少溪公諱如玉清河舉人官廣州府同知  
嘗見府君文稱賞久之屬議昏馬時府君猶應  
童子試也先妣性賢淑喜事舅姑治家勤儉有  
法度府君無內顧憂專心講授從游日眾假書  
少溪公家終日危坐誦覽學徒無敢闌出入者  
歲時歸省束脩所入盡以奉甘旨嘗館涿陽去  
家百餘里聞林太淑人病流涕不食假館人驢  
以行患不進步驅以歸夜半拜牀下林太淑人  
有胸中氣遇病多瞋恚獨府君孝謹見之輒色  
喜府君日夕侍親側說故事為娛樂笠亭公晚  
斷家事優游城市年臻大耋府君奉養之力為  
多應省試不售道光辛巳恩科以貧不欲往先  
妣質贖珥以資行裝適少溪公命二子來約偕



往遂行是科中式再試禮部丁雙亭公愛世父  
方病喪葬事皆府君任之服闋後己丑科會試  
中式殿試二甲以知縣籤分四川以親老告改  
山東未及行而林太淑人棄養服闋仍赴原省  
十二年九月挈家入蜀明年正月抵重慶資用  
絕同年鐵嶺楊公需令已縣往依之乃留家人  
于重慶早騎赴省將行楊公觴之坐客言頃出  
二縣缺君早至必補丹後其地瘠苦遲行可得  
我眉我眉善地也府君曰某書生方虞不任民  
社瘠區事簡或可勝任且始仕即規規于肥瘠  
非事上以誠之道楊公既然曰君真行古人之  
道者因與論蜀中吏事甚詳既到省寓居成都  
子龍塘移眷來省大吏派辦成都發審七月昆  
明黃學使琮試成縣府州屬檄充提調蜀人多  
槍替歧考取進時核對府縣試卷不符者黜每  
學使榜出俸獲者多竊易原卷成都屬十六縣  
綿州屬五縣亦調試省垣試卷皆存提調處有  
以數百金易一卷者府君白學使撤各郡邑于  
解卷時加印申送永絕其弊八月委赴崇慶州  
查業時已補丹稜縣缺冬月抵任丹稜多山田

民俗樸樸西南極望皆重罔劇盜出入為一邑  
害府君使幹役密伺得其黨捕之咸獲得二婦  
則掠于鄰邑者資遣以歸斃盜杖下佗賊聞之  
屏氣川南近探夷風俗勁悍健關好訟一錢一  
瓜或爭忿至死無賴者挾刀筆游里閭挑之訟  
愚民感之多陷于罪府君檢律令取其易蹈者  
刊布鄉鎮戒勿犯有挾刃行者重懲逾年事少  
乃修學宮廣養濟詳請給孤貧糧捐俸增書院  
經費進肄業之士嚴課之數年中多有領鄉薦  
者李君祀元業光緒丹稜縣志李祀元號竹山幼稱異十二學為文邑令高士魁  
賞識召致門下咸豐初舉孝廉方正不就乙卯  
舉於鄉聯捷成進士官工部主事軍功貴州候  
補直隸州署瀾漳以吏人子識拔于童試中俾  
縣權候補知府  
受業卒登第入詞館邑人謂自彭觀察端淑昆  
弟後業光緒丹稜縣志彭端淑字儀一與弟肇  
沐連泗均以文章名端淑雍正丙午舉人  
癸丑進士吏部主事官至廣東肇高羅道肇沐  
字仲伊雍正癸卯舉人與端淑同榜進士刑部  
主事監祭御史連泗字登泉雍正己酉拔貢乙  
卯舉人乾隆丁巳進士改庶吉士授兵部主事  
江防同知世所傳百餘年無此事矣乙未恩科  
為君即連泗所撰  
充鄉試同考官得士石鳳揚等八人明年捷禮  
聞者即石君也十七年秋霖雨害稼米價騰踊  
白大府平糶立局于城隍祠核戶口造冊票躬

驗放以市斗為率人日一升遐邇皆徧次秋大  
稔穰還原額十八年春以獲洪雅盜十人論功  
獲保奏二十年赴都引見以知州用仍回原任  
二十二年調署簡州知州州去省垣百五十里  
當川東孔道差使絡繹前牧李善病獄訟不以  
時府君質明即起清理積案日中聽斷晚治官  
書宵分乃罷數月積牘稍清而川東囑匪大起  
所在劫掠時寶節相方巡邊輜重甚盛盜尾之  
行急檄州縣討治府君調集團練巡行鄉鎮經  
旬月處于外寇不得肆會英艦入長江齊提軍  
慎督漢土兵赴鎮江先後五起過州信宿始出  
境襄州人以役繁歲捐萬緡設專局供支應大  
役輒增之官或藉以自潤至是州人請增派弗  
許捐俸佐之豐其厨傳而請于其主將俾嚴約  
束竟事無擾州試日暮皆自閤業出咸以為允  
二十三年冬再回丹稜任川省多山州縣地面  
遼濶命掌請驗者官多憚其險遠不時往則舟  
以來暑月多變壞或委丞尉代勘讞定後多翻  
控至煩覆檢蒸驗府君以人命至重不即時親  
勘則構衅端由鄰證遠近莫得其實且往來守

候為累尤多故得報即往躬治審視勘論無誤  
者他州縣即有疑獄待平反者大府多委府君  
審勘最後榮經徐令以委勘失實誤入死罪致  
翻控府君承檄更正勘驗稽核尤為大府所重  
每收狀時遇案情稍重者立呼原告詢顛末以  
審真偽縣民侯玉春夜以父被何人所殺告即  
傳訊情辭恍惚囁嚅久之言其父出盜瓜被火  
槍擊死察無哀戚狀因憶前歲曾以玉春妻姪  
死詣驗知其家本茶戶非貧無賴者何至盜人  
瓜再三研詰蓋即玉春與從叔某所謀斃者託  
詞以覲死也于是傳鄰證并逮其從叔一訊而  
定縣西南老叢山最遠絕有古寺廢已久游民  
誑言佛光現以仙水療疾有效愚民爭趨之鄰  
邑數百里男婦皆至投金帛議修構草屋以  
居山上下皆徧良民不能爭時方濤署府君聞  
之携丁役冒疾雨緣崖石至其處繫首事者咎  
逐之餘眾駭散毀屋封山禁游民毋得入是役  
也人情疑畏有止府君者府君以川省往往因  
佛會釀大故當除以漸故決往竟無事二十九  
年補授蓬州知州先後凡令丹稜十五年至是

始去任丹人留府君久如家人父子爭訟來者  
恒譬解去休廉所入僅足供用幕直廉從皆辭  
去官居如僧舍晨起蕭然手一編邑人士時來  
執經問難于前府君忻然笑謂吾本寒士以讀  
書起家作吏十餘年依然曩昔課讀時風味也  
暇時手錄虞氏易毛氏詩傳春秋左氏傳毛西  
河傳許氏說文解字皆成巨帙香之曰士民饒  
諸塗府君執爵語之曰吾居此久無功德以及  
人然使此方人他日數令斯土者不曰高某嘗  
以某事苦我足矣十月至蓬州州治倚山面嘉  
陵江江外遠山如屏障頗擅山水之勝公事素  
簡府君治民課士一如令丹稜時州俗多吏胥  
姦人以貨竄名籍中出沒鄉里持短長恐喝受  
賕代書至二十餘人苦無事日坐都市誘鄉民  
爭訟官始至例點視去留則獻金以求免黜至  
是以千金賂府君斥不受汰其大半積蠹以清  
署任封牧有盜業已獲犯鞠供矣府君察非實  
訊之果誣服者乃責限差役另緝數日真盜斯  
得前州牧姚公瑩以辦藏差賠累數年始到本  
任未幾謝病去廟公帑千金盡留貲裝以償署

任者携之去而以虧空移交府君出金代償之  
州建玉環書院以費竭工未歲而止至是召紳  
民助成之又置田給肄業者米來學者遂眾三  
十年夏山水涌發從後山下注州署適當其衝  
忽折而西潰城以出府君白大府捐資修築州  
民某捐山以佐工乃伐石為垣工迅而固咸豐  
元年春工竣以所餘資置產為歲修費先是再  
任丹稜時府君已有退志時江鄉方構兵友人  
交阻之及是先妣年七十多病府君亦患疾嗽  
遂決引疾歸是年冬卸任二年夏抵里新城故  
宅已為族人所賣乃買宅於舊城內居之閉門  
掃軌未嘗干當事三年春粵寇陷揚州大吏屬  
辦團練不獲辭籌輸出入勞攘者數年居恒忽  
忽不樂以為紳士居鄉當敦行誼立品節為後  
進法不當與外事即不得已而從事輒辭不敢  
任大府保奏加道銜嘗與何公濯波請廣縣學  
額清理育嬰堂田俾孤貧者得實惠里居凡十  
五年雖晚歲多病而神明弗衰坐不跛倚燈下  
能作楷書舊患眩暈時作時止數治弗瘳去年  
痰嗽較前重頗妨寢食精神頓減坐必憑几不

孝心竊憂之今年夏伏暑蒸燠夜不得寐醫以安神和中之劑進無效秋涼得少寐而食飲日少精神耗竭竟於八月十八日申時棄不孝而長逝矣嗚呼痛哉府君生于乾隆辛亥四月初五日卒于同治丙寅八月十八日年七十有六先妣丁恭人生于乾隆丁巳正月十五日卒于咸豐己未六月十八日予二廷恩出為世父雲喬暨九峯二公後早身次廷第女一早卒孫二鴻賓鴻裕孫女一府君性方嚴少篤學老而不倦出官二十年所至以廉辦稱治家儉素數十年如一日赴蜀時兩世父并先卒無嗣唯餘兩世母叔父連三公出嗣伯祖行夏公至是亦卒遺叔母携一弟方匝月及二幼妹并挈以行同至任所養給無少異兩世母先後卒任所歸葬祖墓側妹年長命奉叔母給資先歸遣嫁皆得所返里後召弟廷宗讀于家自課之逾年入邑庠舊有祠堂在北馬廐膏于任所寄俸金俾族人修葺之復捐資刊訂族譜增置祠堂田定立規約歲時會族人祭享如禮時以勤本業戒惰游勸子弟遇人無少長一接以誠少善飲醉亦

温克晚以多病止酒故郡伯恒公願公及今章公延請主講奎文書院課藝之暇從容與生徒論文字往復不厭尤諄諄以治經術植人品為勸與早歲家居投徒時無異著有易音補丹稜縣志業光緒丹稜縣志丹稜志叙于康熙時知縣張晚乾隆中知縣李光泗與邑人彭端淑修之元緒中知縣顧汝尊再修之無士魁修志之說今准安高氏家中藏有士魁丹稜縣志稿本凡六卷分地理建置祠祀田賦官人物六日有士魁自序成于道光戊申冬月始作而未及虛靜齋詩文草藏于家今卜于明年春葬于邑之壽字鄉北馬廐新阡先妣附焉不孝少承庭訓長昧義方竊情不學終無以紹先人之業重罹荼酷苦出昏迷謹錄其所記憶者以存事實惟當代大人先生幸垂察焉咸豐蘭州志宦績傳 高士魁字紫峯江蘇山陽進士道光二十二年署政尚仁慈民不忍欺投于文所撰奎閣考棚字庫諸記載藝文

毛公祠見後廡高毛二公均以名儒循吏先後主講此院與六公咸列為秩祀郡邑有司以時薦享却人士亦致慕焉其後極為闕

殿朝端踞踞餘話 淮人舊祀閻微君于倉頡祠左偏向無祀事且隔重城諸多不便予因與

賓華商徙城內度地于奎文書院激軒後楹上  
層設龕崇祀拊祀李公凱張力臣顧在瞻楊禹  
江任東澗吳山夫諸公路山夫以分書題楹曰  
閩徵君暨六先生祠光緒戊子八月稟縣立案  
每歲十月十四日徵君誕辰同人公修祀典值  
年分管并仿京師廟祠創為題名長卷自癸巳  
至甲辰每歲舉行世變以來書院改為學堂聞  
將四公祠毛公祠高公祠各主均置于徵君龕  
內塵封鼠蹟無人過問可慨也前山陽縣廬甫  
卿明府維維曾  
補備闕祠祭銀七十兩李公凱  
祠與此同歸楊體之秦少文經管  
同治山陽縣志人物傳 閩若璩字百詩號潛  
邱順治中諸生也其先山西太原人世居淮安  
祖世科字蟠楚明萬曆進士授湖州府推官舊  
有疑獄久不決及世科之官夢神人語之曰汝  
未有子宜留意祥刑乃盡心訊鞠得囚冤狀遂  
出之一邑驚異除蕭山令蕭山故盜藪世科下  
車嚴為搜治宿害頓絕升戶部主事累官寧前  
兵備道參議致仕歸父修齡字再彭初世科分  
校閩闈祈嗣九里湖越九年而生修齡名字皆  
如夢中所授修齡少折節讀書明末領鄉貢嘗

從漳浦黃道周游甲申後落諸生籍遊遂白馬  
湖濱結蒲庵隱居其中號飲牛叟風雅之士一  
時翕集如河濱李楷黃岡杜濬太原傅山南昌  
王猷定寧都魏禧皆下榻相待著有秋心秋舫  
諸集若璩幼時資性苦鈍每誦讀恒至千百過  
年十五冬夜讀書有所疑滯憤不肯寐漏四下  
筆硯皆凍而堅坐沈思頃之心忽開朗隱隱有  
聲如門牖洞開屏障盡徹自是頓悟異常凡九  
經諸史註疏百家之說皆能暗誦綜核貫穿畧  
無遺脫尤長于考據抉摘訛謬援引根柢發先  
湖濱結蒲庵隱居其中號飲牛叟風雅之士一  
時翕集如河濱李楷黃岡杜濬太原傅山南昌  
王猷定寧都魏禧皆下榻相待著有秋心秋舫  
諸集若璩幼時資性苦鈍每誦讀恒至千百過  
年十五冬夜讀書有所疑滯憤不肯寐漏四下  
筆硯皆凍而堅坐沈思頃之心忽開朗隱隱有  
聲如門牖洞開屏障盡徹自是頓悟異常凡九  
經諸史註疏百家之說皆能暗誦綜核貫穿畧  
無遺脫尤長于考據抉摘訛謬援引根柢發先

謚語題其柱曰一物不知儒者所耻遭人而問  
少有寧曰其立志如此海內名流過淮必主其  
家年二十讀尚書至古文二十五篇即疑其偽  
沈潛三十餘年乃盡得其癥結所在作古文尚  
書疏證八卷引經據古一一陳其矛盾之故古  
文之謬大明所列一百二十八條毛奇齡古文  
尚書寬詞百計相軋終不能以強詞奪正理則  
有據之言先立于不可欺也若璩又以朱子以  
來已疑孔傳之依託遞有論辨復為朱子尚書  
古文疑以申其說康熙元年游京師旋改歸太  
原故籍十七年應博學鴻詞科不第崑山顧炎  
武以所著日知錄相質即為改定數條炎武虛  
心從之編修汪琬著五服攷異若璩糾其謬數  
條尚書徐乾學歎服及乾學奉敕修一統志開  
府洞庭山既又移嘉善復歸崑山若璩皆與其  
事局中人輯其緒論一篇曰閩氏碎金若璩于  
地理尤精審山川形勢州郡沿革瞭如指掌誤  
四書釋地一卷續編及于人名物類訓詁典制  
又解釋經義諸條共為五卷事必求其根柢言  
必求其依據旁參互證多所貫通又據孟子七

篇參以史記諸書作孟子生卒年月攷一卷又  
著孔廟從祀末議十一事一曰孔廟祀典宜復  
八佾十二籩豆于太學二曰十哲之外宜進有  
若公西華于廟庭廣為十二哲三曰泰冉顏何  
宜從祀縣宜宜補入四曰公明儀宜從祀樂正  
克宜進于兩廡五曰曾申申詳均宜從祀六曰  
河間獻王劉德宜入從祀七曰諸葛孔明宜入  
從祀八曰范仲淹宜入從祀九曰蔡元定宜進  
于兩廡十曰黃幹請援蔡沈例以進十一曰兩  
廡先賢先儒位次多凌躐宜請釐正書成于康  
熙四十年前康熙五十四年增祀范仲淹于西  
廡雍正二年復祀秦冉于東廡顏何于西廡增  
祀諸葛亮于東廡縣宜樂正克黃幹于西廡乾  
隆三年以有若升配東序若璩私議已上見列  
聖施行矣又著潛邱劄記六卷毛朱詩說一卷  
手校困學紀聞二十卷因浚儀之舊而取正箋  
說推廣之評定古文百篇其師山陽吳一清所  
手授續加闡發又有日知錄補正喪服翼注宋  
劉攽李燾馬端臨王應麟四家逸事博湖掌錄  
業博湖掌錄未經刊行乾隆中吳玉樞訪求是  
書已不可得僅王士禛居易錄中載有辨字原

docsriver 文川网  
入驻商家 古籍书城

在文川网搜索古籍书城 获取更多电子书

非西平王子及改歲諸書詩有眷西堂諸集子  
改時月解兩條而已  
詠兼詠字官中書舍人亦能文

國朝先正事略閣百詩先生事略 先生幼口  
吃性頗鈍讀書千百遍不能熟年十五冬夜讀  
書寒甚漏四下堅坐沉思心忽開自是穎悟絕  
人是歲補學官弟子一時名士如李太虛方爾  
正王于一杜于皇輩皆折輩行與交年二十讀  
尚書古文二十五篇即疑其偽沉潛三十餘年  
盡得其癥結之所在作尚書古文疏證八卷其  
最精者謂漢書藝文志言魯共王壞孔子宅得  
古文尚書孔安國以考二十九篇得多十六篇  
楚元王傳亦云逸書十六篇天漢之後孔安國  
獻之古文篇數之見于西漢者如此而梅賾所  
上乃增多廿五篇此篇數之不合也杜林馬鄭  
皆傳古文者據鄭氏說則增多者舜典汨作九  
共大禹謨益稷五子之歌胤征典寶湯誥咸有  
一德伊訓肆命原命武成旅獒同命凡十六篇  
而九共有九篇故亦稱二十四篇今晚出書無  
汨作九共典寶等此篇名之不同也鄭康成注  
書序于仲虺之誥太甲說命微子之命蔡仲之

命周官君陳畢命君牙皆注曰亡而于汨作九  
共典寶肆命等皆注曰逸逸者即孔壁書也康  
成雖云受書于張恭祖然其書贊曰我先師棘  
下生子安國亦好此學則其淵源于安國也明  
矣今晚出書與鄭名目互異其果安國之舊耶  
又云古文傳自孔氏後為鄭康成所注者得其  
真今文傳自伏生後惟蔡邕石經所勒者得其  
正今晚出書昧谷鄭作柳谷心腹腎腸鄭作憂  
腎陽剝剝剝鄭作臍官剝剝頭庶剝與真古  
文既不同矣石經殘碑遺字見于洪适隸釋者  
五百四十七字以今孔書校之不同者甚多碑  
云高宗之饗國百年與今書五十有九年異孔  
叙三宗以年多少為先後碑以傳序為次則與  
今文又不同然後知晚出之書蓋不古不今非  
伏非孔而欲別為一家之學者也班孟堅言司  
馬遷從安國問故堯典禹貢洪範微子金縢  
諸篇多古文說許慎說文解字亦云其稱書孔  
氏今以史記說文與晚出書相較又甚不合安  
國注論語予小子履以為墨子引湯誓其詞若  
此不云此出湯誥亦不云與湯誥小異然則予



小子履云云非真古文湯誥斷然也其注雖有周親不如仁人句于論語則曰親而不賢不忠則誅之管蔡是也仁人謂箕子微子來則用之于尚書則曰周至也言紂至親雖多不如周家之多仁人其詮釋相懸絕如此此豈一人之手筆乎又云古未有夷族之刑即苗民之虐亦肉刑止爾有之自秦文公始偽作古文者見荀子有亂世以族論罪以世舉賢之語遂竄之秦誓篇中無論紂惡不如是甚且三代上亦斷無此慘酷之刑也荀卿曰誥誓不及五帝司馬法言有虞氏戒于國中夏后氏誓于軍中殷誓于軍門之外周將交刃而誓之當虞舜在上禹繼征有苗亦安得有會羣后誓師之事司馬法曰入罪人之地見其老弱奉歸無傷雖遇壯者不校勿敵敵若傷之醫藥歸之三代之用兵以仁為本如是安有大災菟罔玉石俱焚之事既讀陳琳檄文云大兵一放玉石俱碎乃知其時自有此等語則此書之出魏晉間又一證也又云武威篇先書一月壬辰次癸巳又次戊午己是月之二十八日復繼以癸亥甲子是為二月之

四日五日而不冠以二月非今文書法也洛誥稱乙卯費誓兩稱甲戌此周公伯禽口中指此日有此事云爾豈史家記事之例乎又云書序益稷本名棄稷馬鄭王三家皆然蓋別是一篇中多載后稷與契之言揚子雲法言孝至篇云言合稷契謂之忠謨合皋陶謂之嘉子雲親見古文故有此言晚出書析皋陶謨之丰為益稷則稷與契初無一言子雲豈鑿空者耶其辨孔傳之偽曰三江入海未嘗入震澤孔謂江自彭蠡分而為三其入震澤者謬也金城郡漢昭帝所置安國卒于武帝時而傳稱積石山在全城郡西南豈非後人作偽之謬乎傳義多與王肅注同乃孔竊王非先有孔說而王取之也漢儒說六宗言人人殊魏明帝詔令王肅議肅乃取家語孔子曰所宗者六以對肅以前未之聞也而偽傳已有之非孔竊王而何識者以為知言康熙元年游京師龔尚書鼎尊為之延譽由是知名十七年召試鴻博不第在都門與汪編修琬交汪著五服考異先生糾其謬數條汪不懌語人曰百詩有親在奈何喋喋言喪禮先生曰